

» Hidangan dalam talam eratkan ukhuwah warga UMP

Oleh Mimi Rabita Abdul Wahit
upen@bh.com.my

Kuantan

Universiti Malaysia PAhang (UMP) meneruskan tradisi menghidang juadah percutia dalam talam untuk menjamu warganya yang berbuka puasa di masjid dalam kampus Gambang dan Pekan sepanjang Ramadan al-Mubarak.

Naib Canselornya, Prof Datuk Dr Daing Nasir Ibrahim, berkata konsep hidangan itu berdasarkan sunah Rasulullah SAW yang mampu mera-patkan silaturahim antara warga universiti berkenaan.

Beliau berkata, program itu dianjur menggunakan dana Tabung Ramadan hasil sumbangan staf sama ada secara tunai mahupun potongan



Suburkan tradisi

BH2 PENDIDIKAN | 13 JULAI 2015 | 14

disediakan setiap hari, antaranya nasi minyak, nasi Arab dan gulai kawah.

Program MyGift

"UMP mengekalkan tradisi berbuka puasa beramai-ramai supaya dapat merapatkan ukhuwah antara warga kampus, di samping mengambil

berkat sedekah dihulurkan pelbagai pihak," katanya yang turut hadir memeriahkan program itu, baru-baru ini.

Sementara itu, Daing Nasir berkata, UMP memperkenalkan program MyGift dalam usaha mengumpul sumbangan untuk menaja pengajian dan menyediakan kemudahan prasrama kepada pelajar.

Beliau berkata, inisiatif itu membabitkan sembilan jenis endowmen atau tabungan, iaitu Kursi, Biasiswa Pelajar, Makmal dan Kemudahan Universiti, Tabung Ramadan, Tabung Masjid, Tabung Bencana, Tabung Wakaf, Tabung Komuniti dan Tabung Tidak Patuh Syariah.

Sementara itu, Pengarah Pusat Islam dan Pem-



Daing Nasir (kiri) meninjau penyediaan juadah berbuka puasa untuk warga UMP di kampus Pekan.

UMP mengekalkan tradisi berbuka puasa beramai-ramai supaya dapat merapatkan ukhuwah antara warga kampus, di samping mengambil berkat sedekah dihulurkan pelbagai pihak"

Daing Nasir Ibrahim
Naib Canselor UMP

Warga UMP termasuk pelajar menunggu waktu berbuka puasa.

bangunan Insan (PIMPIN) UMP, Dr Mahyudin Ismail, berkata tawaran sumbangan berbuka puasa dengan kadar tajaan RM20 bagi setiap talam diperkenalkan mulai tahun ini.

Pelajar antarabangsa

Beliau berkata, sumbangan itu boleh disalurkan melalui PIMPIN atau perbankan internet dengan melayari portal MyGift yang baru diperkenalkan dalam laman web UMP.

"Sepanjang Ramadan, segala persiapan program disediakan secara gotong-royong mengikut jabatan di universiti ini," katanya.

Pelajar antarabangsa dari Pakistan, Mohd Khan, 30, berkata beliau sering menyertai program berbuka puasa secara beramai-ramai di masjid UMP.

"Saya dan rakan senegara tidak melepaskan peluang berbuka puasa dan menuaikan solat tarawih di masjid universiti ini pada setiap Ramadan kerana menyukai kemeriahannya, selain berpeluang mengeratkan hubungan dengan pelajar tempatan," katanya yang sedang mengikuti pengajian Ijazah Doktor Falsafah (PhD) dalam bidang Bioteknologi.

